

=====
Truuj: We gaon vaerder met d'n biébel
en slaon efkes enne gas hōnderd jaor euver
en kōmme dan oét beej Mozes.
Dae laefde in einen tiéd det de Israëliete nao Egypte
gedepoorterd ware.
Dao meuste ze as slave 't zwaore en voele werk opknappe.
Mozes kreeg 't beej de farao spits det hae met zien volk
truuk moch gaon nao zien eige land.
Um dao te kōmme meuste ze door de Sinai-woestijn trekke
en dao hebbe ze viertig jaor euver gedaon.
Kiék, d'r stōnde gen waegwiézers en me had gennen tom-tom,
maar as-se slum waas gewaes had-te emus de waeg gevraag
en dan had die reis hiël wat korter gekund.

Op zekeren daag as zeej nog ônderwaeg in de woestijn zien,
trek Mozes zich truuk op ennen berg um met God te
ônderhandele euver de vraag
waat de minse noow waal en neet mochte
en waat ze waal en neet meuste doen.
As hae nao ein paar daag met de gebaoje truuk beej zien volk
kump, wuurt hae door eine man aangespraoke dae vruuëg:
"En? Ziet ge d'r oét gekōmme?"
"Det is te zegge", antwoordt Mozes,
"Ik heb 't tot 10 truuk weite bringe,
maar euverspel blief verbaoje."
Mozes waas eine erg belangriéke persoeën.
Zien wette zien groeëtendeils nog altiéd van krach.

Peet: Efkes tōssedoor:
't Verschiensel vastelaovend is door diverse geliërde bestudeerd.
De meiste dinke det vastelaovend örges in de Middeliuwe
of nog later môt zien ôntstaon.
Ik zeg ôg aevel det die luuj 't mis hebbe.
Vastelaovend is ôntstaon wie 't joeëdse volk door de woestijn
trok.
Want we laeze in d'n biébel:
"Zij hulden zich in vreemde gewaden en trokken doelloos rond."

Wie zeej intelik beej 't Belaofde Land aankwame,
deetje ze wat ze noow nog altiéd doen:
nederzettinge bouwe op andermans grōndgebied.
Sōms meuste d'r zelfs plaatse veur veroverd waere.
De stad Jericho beejveurbeeld.
D'r stōnd ein hoeëge moor um die ganse stad haer,
maar wie de Israëliete op eur trōmbaones begōste te blaoze,
veel die moor vanzelf um.
Veur de meziékkinners ônder ôg wil ik nog vermelde
det det nummer det die die trōmbaoniste gespeuld hebbe
waarschienlik in de toeënsoort g-moll haet gestaon.
De moore woorte ummers ge-mold.

=====
Truu

Euver moor gespraoke:

Wis geej det d'r in d'n hemel auk een hoeëge moor steit?

Pieëtrus goof ein rônleiding aan eine rabbi

dae net in d'n hemel aangekômme waas.

Wie zeej beej die hoeëge moor aankwame, vroeg de rabbi:

"Aan d'n andere kant is de hel zeker?"

"Nae, ssstt", zaet Pieëtrus, "aan d'n andere kant zitte de christene. Die dinke det zeej allein in d'n hemel zien."

Trouwes, dae pestoeër dae Peet juus neumde,

kreeg `t bes te kwaod wie hae beej de hemelpaort kwaam.

Hae arriveerde tegeliék met eine buschauffeur.

Dae chauffeur moch van Pieëtrus meitein doorlaupe,
d'n hemel in.

Maar dae pestoeër meus nog maar `s efkes wachte.

De kerkman verweerde zich en zag:

"Waorum hae waal en ik neet?"

Ik heb toch mien ganse laeve veur God en kerk gewerk?!"

"Kin waal zien", zag Pieëtrus, "maar as geej op ôgge praekstool stônd te praeke, zoot de hieële kerk te slaope.

As aevel dae buschauffeur achter `t stuur zoot, dan zoote alle minse in de bus te baeje."

Peet:

We slaon weer ein paar hōnderd jaor euver
en kômme oét beej keuning Salomo.

Maar auk dae slaon we euver,

want dae wuurt in `t evangelie al geneump.

We gaon weer ein dieke 900 jaor vaerder

en kômme oét beej Jezus.

Hae woort gebaore ônder ermeuige umstandighede
in eine stal.

Zien elders ware erm luuj.

Alhoewaal ...

Eine neet-geluvigen atheïs bezôch lets ein museum.

Hae had ein tiédje nao ein beroemp schilderie van Rubens staon
te kiéke: "De vluch van de heilige familie nao Egypte."

Toen zag daen atheïs taege de gids:

"Kiék, det zien noow typisch de christene.

Ieuwelang vertelle ze de minse det Jozef en Maria zoeë erm ware
en det Maria nog neet `s ein fetsoendelik kraombed had.

Maar um zich door Rubens te laote schildere,
dao hadde ze waal geld zat veur."

Enfin. In ziene jōnge jaore is Jezus dinkelik student gewaes.

Want hae woeënde wies zien dertigste beej zien elders

en as hae al waat deej dan waas `t ein wōnder.

Wie hae dertig waas begôs hae zien baodschap te verkōndige.

Iërs in zien woeënplaats Nazareth,

maar dao woort hae neet serieus genaome.

Hae vōnd waal gehuúr in de plaetskes dao in de buurt.

